

摘藻堂四庫全書薈要

集部

欽定四庫全書薈要

集部

欽定全唐詩卷六百三十四

二至

詳校官原任主事<sub>臣</sub>李斯咏

欽定四庫全書薈要卷一萬八千三十七

集部

御定全唐詩卷六百三十二

司空圖

**司空圖**字表聖河中虞鄉人咸通末擢進士第由宣歙  
幕歷禮部郎中僖宗行在用為知制誥中書舍人歸隱

中條山王官谷龍紀乾寧間徵拜舊官及以戶兵二部  
侍郎召皆不起遷洛後被詔入朝以野耄丐歸朱全忠  
受禪召為禮部尚書不食而卒圖少有俊才晚年避世

棲遯自號知非子耐辱居士有先世別墅泉石林亭頗  
愜幽趣日與名僧高士遊詠其中有一鳴集三十卷內  
詩十卷今編詩三卷

塞上

萬里隋城在三邊虜氣衰沙填孤障角燒斷故關碑馬  
色經寒慘鷓聲帶晚悲一作將軍正閒暇留客換歌辭

寄永嘉崔道融

旅寓雖難定乘閒是勝遊碧雲蕭寺霽紅樹謝邨秋戍

鼓和潮暗船燈照島幽詩家多滯此風景似相留

下方

三十年來往中間京洛塵倦行今白首歸卧已清神坡

暖冬抽

一作生

筍松涼夏健人更慚徵詔起避世跡非真

華下

日炙旱雲裂迸為千道血天地沸一鑊竟自烹妖孽堯  
湯遇災數災數還中輟何事女媧與邪古來難撲滅

僧舍貽友

笑破人間事吾徒莫自欺  
解吟僧亦俗愛舞鶴終卑  
竹上題幽夢溪邊約敵棋  
舊山歸有阻不是故遲遲

下方

昏旦松軒下怡然對一瓢  
雨微吟思一作春未足  
花落夢無

聊細事當棋遣衰容喜鏡  
饒溪僧有深趣書至又相邀

華下送文浦一作涓

郊居謝名利舊史云河北亂圖寓華陰  
何事最相親漸與論詩久皆

知得句新川明虹照雨樹  
密鳥衝入應念從今去還來

嶽下頻

自誠

我祖銘座右嘉謀貽厥孫勤此苟不急令名日可存  
媒  
術士所耻慈儉道所尊松柏豈不茂桃李亦自繁衆人  
皆察察而我獨昏昏取訓於老氏大辯欲訥言

效陳拾遺子昂感遇二首

高燕飛何捷啄害恣羣雛人豈玩其暴華軒容爾居強  
欺自天稟剛吐信吾徒乃知不平者矯世道終孤

陽和含煦潤卉木競紛華當為衆所悅私已汝何誇此  
里秘穠豔東園鎖名花豪奪乃常理笑君徒咄嗟

效陳拾遺子昂

醜婦競簪花花多映愈醜鄰女恃其姿掇之不盈手量  
已苟自私招損乃誰咎寵祿既非安於吾竟何有

感時

好鳥無惡聲仁獸肯狂噬寧教鸚鵡啞不遣麒麟細  
作  
吠人人語與默唯觀利與勢愛毀亦自遭掩謗終失計



秋思

身病時亦危逢秋多慟哭風波一搖蕩天地幾翻覆孤  
螢出荒池落葉穿破屋勢利長草草何人訪幽獨

早春

傷懷同一作仍客處病眼却花朝草嫩侵沙短一作長冰輕

著雨消風光知可愛容髮不相饒早晚丹丘去一作伴飛

書肯一作首見招

上陌梯寺懷舊僧二首

雲根禪客居皆說舊無

一作吾

廬松日明金像山風

一作苔龕

嚮木魚依棲應不阻名利本來疎縱有人相問林間懶

折書

高鴉隔谷見路轉寺西門塔影蔭泉脉山苗侵燒痕鐘

疎含杳靄閣

一作閣

迴亘黃昏更待他僧到長如前信存

寄懷元秀上人

悠悠干祿利草草廢漁樵身世堪惆悵風騷頓

一作頓

寂

寥高秋期步野積雨放趨朝得句如相憶莎齋且見招

次韻和秀上人遊南五臺

中峰曾到處題記沒蒼苔振錫傳深谷翻經想舊臺危  
松臨砌偃驚鹿暮溪來內殿御一作評詩切師以文章應制身迴

心未迴

贈圓昉公

昉蜀僧僖宗幸蜀昉堅免紫衣

天階讓紫衣冷格鶴猶卑道勝嫌名出身閒覺老遲曉

一作晚香延宿火寒磬度高枝每說長松寺他年與我期

贈信美寺岑上人

巡禮諸方遍湘南頻有緣焚香老山寺乞食向江船  
紗碧籠名畫燈寒照淨禪我來能永日蓮漏滴寒泉

一作  
堦前

### 江行二首

地潤分吳塞楓高映楚天曲

一作  
迴

塘春盡雨方響夜深

船舊唐書方響以鐵為之長  
九寸廣二寸員上方下

行紀添新夢羈愁甚往年

何時京洛路馬上見人煙

初程風信好迴望失津樓日帶潮聲晚煙含楚色秋戍  
旗當遠客島樹轉驚鷗此去非名利孤帆任白頭

長安贈王注

一作法

正下搜賢詔多君獨避名客來當意愜花發遇歌成樂

地留高趣權門讓後生東方御閑

馬一作東風

閑小馬園外好

同行

贈步寄李員外

危橋轉溪路經雨石叢荒幽瀑下仙果孤巢懸夕陽病  
辭青瑣祕心在紫芝房更喜諧招隱詩家有望郎

寄鄭仁規

清才鄭小戎標的貴遊中萬里雲無侶三山鶴不籠香  
和丹地暖晚著綵衣風榮路期經濟唯應在至公

寄考功王員外

喜聞三字耗閒客是陪遊白鳥閒疎索青山日滯留琴  
如高韻稱詩愧逸才酬更勉匡君志論思在獻謀

雜言

一作短  
歌行

烏飛飛兔蹶蹶朝來暮去驅時節女媧祇解補青天不  
解煎膠黏日月

陳疾

自憐旅舍亦酣歌世路無機奈爾何霄漢逼

一作碧

來心

不動鬢毛白盡興猶多殘陽暫照鄉關近遠鳥因投嶽  
廟過閒得此身歸未得磬聲深夏隔烟蘿

浙上

一作江浙上是今鄖陽府地在秦楚之交故有秦雲楚雨之句

華下支離已隔河又來此地避干戈山田漸廣猿時

一作

頻

到邨舍新添燕亦多丹桂石楠宜並長秦雲楚雨暗

相和兒童粟熟迷歸路

一作新逕歸得去

仍隨牧豎歌

西北鄉關近帝京，煙塵一片正傷情。  
愁看地色連空色，靜聽歌聲似哭聲。  
紅蓼滿一作遮邨人不在一作見，青山遶  
檻路難平。從他煙棹更南去，休向津頭問去程。

山中

全家與一作為我戀孤岑，蹋得蒼苔一徑深。  
逃難人多分

隙地放生麋一作鹿，大出寒林名應不朽。  
輕仙一作山骨理

到忘機，近佛心。昨夜前溪驟雷，一作雲又作風。  
雨晚晴閒，一作獨

步數峰吟一作溪禽



寄贈詩僧秀公

靈一心傳清塞心可公吟後礎公吟近來雅道相親少  
惟仰吾師所得深好句未停無暇日舊山歸老有東林  
冷曹孤宦甘寥落多謝攜筇數訪尋

重陽日訪元秀上人

紅葉黃花秋景寬醉吟朝夕在樊川却嫌今日登山俗  
且共一作高僧對榻眠別畫長懷吳寺壁宜茶偏賞雪  
共與溪泉歸來童穉爭相笑何事無人與酒船

丁未歲歸王官谷

家山牢落戰塵西，疋馬偷歸路已迷。  
塚上卷旗人簇立，花邊移塞鳥驚啼。  
本來薄俗輕文字，却致中原動鼓鼙。  
將一作取一壺閒日月，長歌深入武陵溪。

書懷

病來猶強引離行，力上東原欲試耕。  
幾處馬嘶春麥長，一川人喜雪峰晴。  
閒知有味心難肯，道貴謀安迹易平。  
陶令若能兼不飲，無弦琴亦是沽名。

退棲

宦遊蕭索為無能，移住中條最上層。  
得劍乍如添健僕，亡書久似失一作良朋。  
燕昭不是空憐馬，支遁何妨亦愛鷹。  
自此致身繩檢外，肯教世路日兢兢。

五十

閒身事少只題詩，五十今來覺陡衰。  
清秩偶叨非養望，丹方頻試更堪疑。  
髭鬚強染三分折，弦管遙聽一半悲。  
漉酒有巾無黍釀，負他黃菊滿東籬。

新歲對寫真

得見明時下壽身須甘歲酒更移巡生情暗結

一作隔

千

重恨寒勢常欺一半春文武輕銷丹竈火市朝偏貴黑  
頭人自傷衰颯慵開鏡擬與兒童別寫真

華下

籜冠新帶步池塘逸韻偏宜夏景長扶起綠荷承早露  
驚迴白鳥入殘陽久無書去干時貴時有僧來自故鄉  
不用名山訪真訣退休便是養生方

重陽山居

詩人自古恨難窮，暮節登臨且喜同。四望交親

一作座賓朋

兵亂後一川風物，笛聲中菊殘深處。迴幽蝶陂動晴光。下早鴻。明月更期來此，醉不堪。寂寞對衰翁。

爭名

爭名豈在更搜奇，不朽纔消一句詩。窮辱未甘英氣阻，乖踈還有正人知。荷香浥露侵衣潤，松影和風傍枕移。只此共棲塵外境，無妨亦戀好文時。

光啟四年春戊申

一作歸王  
官次年作

亂後燒殘數

一作滿

架書峰前猶自戀吾廬忘機漸喜逢

人少覽鏡空憐待鶴疎孤嶼池痕春漲滿小闌花韻午  
晴初酣歌自適逃名久不必門多長者車

丁巳重陽

重陽未到已登臨探得黃花且獨斟客舍喜逢連日雨  
家山一作鄉似響隔河砧亂來已失耕桑計病後休論濟

活心

已且病焉  
安能活人

自賀逢時能自棄歸鞭唯拍馬韉吟

喜王駕小儀重陽相訪

白菊初開卧內明  
聞君相訪病身輕  
樽前且撥傷心事  
谿上還隨覓句行  
幽鶴傍人疑舊識  
殘蟬向日噪新晴  
擬將寂寞同留住  
且勸康時立大名

酬張芬赦後見寄

一作司空曙詩

紫鳳朝銜五色書  
陽春忽布網羅除  
已將心變寒灰後  
豈料光生腐草餘  
建水風煙收客淚  
杜陵花竹夢郊居  
勞君故有詩相贈  
欲報瓊瑤媿不如

上元放二雉

嬰網雖皆困，寒籠喜共歸。  
無心期爾報，相見莫驚飛。

中秋

閒吟秋景外，萬事覺悠悠。  
此夜

一作際

若無月，一年虛

一作

空過秋

偶題

水榭花繁處，春晴日午前。  
鳥窺臨檻鏡，馬過隔牆鞭。

閒步



幾處白煙斷一川紅樹時  
堦橋侵轍水殘照背邨碑

春中

伏溜侵堦潤繁花隔竹香  
嬌鶯方曉聽無事過南塘

獨望

綠樹連邨暗黃花出陌

一作入麥

稀遠陂春草綠

一作早滲

猶有

水禽飛

雜題

孤枕聞鶯起幽懷獨悄然  
地融春力潤花泛曉光鮮

漫題三首

亂後他鄉節燒殘故國春自憐垂白首猶伴踏青人  
齒落傷情久心驚健忘頻蝸廬經歲客蠶市異鄉人  
率怕人言謹閒宜酒韻高山林若無慮名利不難逃

河上二首

慘慘日將暮驅羸獨到莊沙痕傍墟落風色入牛羊  
新霽田園處夕陽禾黍明沙邨平見水深巷有鷗聲

早朝

白日新年好青春上國多街平雙闕近塵起五雲和  
即事二首

茶爽添詩句天清瑩道心只留鶴一隻此外是空林  
御禮徵竒策人心注盛時從來留振滯只待濟臨危

永夜

永夜疑無日危時只賴山曠懷休戚外孤跡是非間

秦關

形勝今雖在荒涼恨不窮虎狼秦國破狐兔漢陵空

渡江

秋江共僧渡鄉淚滴船回一夜吳船夢家書立馬開

退居漫題七首

花缺傷難綴鶯喧奈細聽惜春春已晚珍重草青青  
堤柳自綿綿幽人無恨牽只憂詩病發莫寄校書牋  
燕語曾來客花催欲別人莫愁春又過看著又新春  
身外都無事山中久避喧破巢看乳燕留果待啼猿  
詩家通籍美工部與司勳高價雖難敵微官偶勝君

努力省前非人生上壽稀青雲無直道暗室有危機  
燕拙營巢苦魚貪觸網驚豈緣身外事亦似我勞形

即事九首

宿雨川原霽憑高景物新陂痕侵牧馬雲影帶耕人  
十年深隱地一雨太平心匣澁休看劔窗明復上琴  
明時那棄置多病自遲留疎磬和吟斷殘燈照卧幽  
衰鬢閒生少丹梯望覺危松須依石長鶴不傍人卑  
落葉頻驚鹿連峰欲映鷗此生詩病苦此病更蕭條

旅思又驚夏庭前長小松遠峰生貴氣殘月斂衰容  
林鳥頻窺靜家人亦笑慵舊居留穩枕歸卧聽秋鐘  
華宇知難保燒來又却修只應巢燕惜未必主人留  
幽鳥穿籬去鄰翁採藥回雲從潭底出花向佛前開

松滋渡二首

步上短亭久看回官渡船江鄉宜晚霽楚老語豐年  
楚岫接鄉思茫茫歸路迷更堪斑竹驛初聽鷓鴣啼

華清宮

帝業山河固離宮宴幸頻豈知驅戰馬只是太平人

牛頭寺

終南最佳處禪誦出青霄羣木澄幽寂疎煙泛次寥

感時上盧相

兵待皇威振人隨國步安萬方休望幸封岳始鳴鑾

亂後三首

喪亂家難保艱虞病懶醫空將憂國淚猶擬灑丹墀  
流芳能幾日惆悵又聞蟬行在多新貴幽棲獨長年

世事嘗艱險僧居慣寂寥  
美香聞夜合清景見寅朝

秋景

景物皆難駐傷春復怨秋  
旋書紅葉落擬畫碧雲收

避亂

離亂一作亂身偶在竄跡任浮沈  
虎暴荒居迫螢孤黑夜

深

長亭

梅雨和鄉淚終年共酒衣  
殷勤華表鶴羨爾亦曾歸



邨西杏花二首

薄膩力偏羸  
看看愴別時  
東風狂不惜  
西子病難醫  
肌細分紅脉  
香濃破紫苞  
無因留得翫  
爭忍折來拋

獨坐

幽徑入桑麻  
塢西逢一家  
編籬新帶蠶  
補屋草和花

借居

借住郊園久  
仍逢夏景新  
綠苔行屐穩  
黃鳥傍窗頻

重陽

菊開猶阻雨蝶意切於人亦應知暮節不比惜殘春

偶書五首

衰謝當何憾惟應悔壯圖  
磬聲花外遠人影塔前孤  
色變鶯雛長竿齊笋擇  
垂白頭身偶在清夏景還移  
蜀妓輕成妙吳娃狎共織  
晚妝留拜月卷上水精簾  
獨步荒郊暮沉思遠墅幽  
平生多少事彈指一時休  
掩謗知迎吠欺心見強顏  
有名人易困無契債難還

雜題九首

病來勝未病名縛便忘名今日甘為客當時注愍征

集圖

有注愍征賦述

賦盧獻卿撰

暑濕深山雨荒居破屋燈此生無懺處此去作高僧  
不須頻悵望且喜脫喧囂亦有終焉意陂南看稻苗  
樓帶援吟迴庭容鶴舞寬  
晷書因閱畫封藥偶和丹  
宴罷論詩久亭高拜表頻  
岸香蕃船月洲色海煙春  
驛步堤縈閣軍城鼓振橋  
鷗和湖雁下雪隔嶺梅飄  
帶雪南山道和鐘北闕明  
太平當共賀開化喝來聲

舴艋援偷上蜻蜓燕競飛樵香燒桂子苔濕挂莎衣  
溪漲漁家近煙收鳥道高松花飄可惜睡裏灑離騷

古樂府

一葉隨西風君行亦向東知妾飛書意無勞待早鴻

有感

燈影看鬚黑牆陰惜草青歲闌悲物我同是冒霜螢

休休亭

且喜安能保那堪病更憂可憐藜杖者真箇種瓜侯

漫書二首

剝欲逢花折須判冒雨頻晴明開漸少莫怕濕新巾  
小蝶爾何競追飛不憚勞遠教羣雀見寧悟禍梯高

歲盡二首

明日添一歲端憂奈爾何衝寒出洞口猶校夕陽多  
莫話傷心事投春滿鬢霜殷勤共尊酒今歲只殘陽

牡丹

得地牡丹盛曉添龍麝香主人猶自惜錦幕護春霜

亂後

羽書傳棧道風火隔鄉關  
病眼那堪泣傷心不到間

春山

可是武陵溪春芳著路迷  
花明催曙早雲膩若空低

樂府

寶馬跋塵光雙馳照路旁  
喧傳報戚里明日幸長楊

亂前上盧相

虜黠雖多變兵驕即易乘  
猶須勞斥候勿遣大河冰

御定全唐詩卷六百三十二

欽定四庫全書  
蕃要卷一萬八千三十八  
集部

御定全唐詩卷六百三十三

司空圖

有感

國事皆須救未然  
漢家高閣漫凌煙  
功臣盡遣詞人贊  
不省滄洲畫魯連

歌

處處亭臺只壞墻  
軍營人學內人妝  
太平故事因君唱



馬上曾聽隔教坊

偈

人若憎時我亦憎  
逃名最要是無能  
後生乞汝殘風月  
自作深林不語僧

鸚鵡

不是流鶯獨占春  
林間綵翠四時新  
應知擬上屏風畫  
偏坐橫枝亦向人

白菊雜書四首

黃昏寒立更披襟  
露浥清香悅道心  
却笑誰家局繡戶  
正薰龍麝暖鴛衾

四面雲屏一帶天  
是非斷得自翛然  
此身只是償詩債  
白菊開時最不眠

狂才不足自英雄  
僕妾驅令學販舂  
侯印幾人封萬戶  
儂家只辦買孤峰

黃鸝轉處誰同聽  
白菊開時且剩過  
漫道南朝足流品  
由來叔寶不宜多

漫題歌一作

經亂年年厭別離  
歌聲喜無一作似太平時  
詞臣更有中興頌  
磨取蓮峰便作碑

率題

宦路前銜閒不記  
醉鄉佳境興方濃  
一林高竹長遮日  
四壁寒山更閏冬

礪戶

礪戶芳煙接水邨  
亂來歸得道仍存  
數竿新竹當軒上

不羨侯家立戟門

故鄉杏花

寄花寄酒喜新開  
左把花枝右把杯  
欲問花枝與杯酒  
故人何得不同來

華一作花下二首

故國春歸未有涯  
小欄高檻別人家  
五更惆悵回孤枕  
猶自殘燈照落花

關外風昏欲雨天  
薺花耕倒枕河壩  
邨南寂寞時回望

一隻鴛鴦下渡船

夢中

幾多親

一作新

愛在人間上徹霞

一作雲

梯會却還須是蓬

瀛長買得一家同占作家山

榜下

三十功名志未伸  
初將文字競通津  
春風漫折一枝桂  
煙閣英雄笑殺人

涪陽渡

楚田人立帶殘暉驛迥邨幽客路微兩岸蘆花正蕭颯  
渚煙深處白牛歸

偶作

索得身歸未保閒亂來道在辱來頑留侯萬戶雖無分  
病骨應消一片山

寓居有感三首

亦知世路薄忠貞不忍殘年負聖明只待東封沾慶賜  
碑陰別刻老臣名

不放殘年却到家  
銜杯懶更問生涯  
河堤往往人相送  
一曲晴川隔蓼花

黑鬚寄在白鬚生  
一度秋風減幾莖  
客處不堪頻送別  
無多情緒更傷情

淮西

鼇冠三山安海浪  
龍盤九鼎鎮皇都  
莫誇十萬兵威盛  
消箇忠良效順無

河湟有感

一自蕭關起戰塵，河湟隔斷異鄉春。  
漢兒盡作胡兒語，却向城頭罵漢人。

自邛鄉北歸

巴煙幕幕久縈恨，楚柳綿綿今送歸。  
回避江邊同去鴈，莫教驚起錯南飛。

青龍師安上人

災曜偏臨許國人，雨中衰菊病中身。  
清香一炷知師意，應為昭陵惜老臣。



山中

凡鳥愛喧人靜處  
閒雲似妬月明時  
世間萬事非吾事  
只愧秋來未有詩

有感二首

自古經綸足是非  
陰謀最忌奪天機  
留侯却粒商翁去  
甲第何人意氣歸

古來賢俊共悲辛  
長是豪家拒要津  
從此當歌唯痛飲  
不須經世為閒人

閒夜二首

道侶難留為虐棋鄰家聞說厭吟詩  
前峰月照分明見夜合香中露卧時

此身閒得易為家業是吟詩與看花  
若使他生拋筆硯更應無事老煙霞

雨中

維摩居士陶居士盡說高情未足誇  
簷外蓮峰堦下菊碧蓮黃菊是吾家

送道者二首

洞天真侶昔人逢  
西嶽今居第幾峰  
峰頂他時教我認  
相招須把碧芙蓉

殷勤不為學燒金  
道侶惟應識此心  
雪裏千山訪君易  
微微鹿跡入深林

重陽阻雨

重陽阻雨獨銜杯  
移得山家菊未開  
猶勝登高閒望斷  
孤煙殘照馬嘶回

省試

粉闥深鎖唱同人正是終南雪霽春  
閒繫長安千匹馬  
今朝似減六街塵

有贈

有詩有酒有高歌  
春色年年奈我何  
試問羲和能駐否  
不勞頻借魯陽戈

證因亭

峰北幽亭願證因  
他生此地却容身  
上方僧在時應到

笑認前銜記寫真

頃年陪恩地赴甘棠之召感動留題

去時憔悴青衿在歸路淒涼絳帳空無限酬恩心未展  
又將孤劍別從公

九月八日

已是人間寂寞花解憐寂寞傍貧家老來不得登高看  
更甚殘春惜歲華

敷溪橋院有感

昔歲攀遊景物同  
藥爐今在鶴歸空  
青山滿眼淚堪碧  
絳帳無人花自紅

寺閣

昔歲登臨未衰颯  
不知何事愛傷情  
今來攬鏡翻堪喜  
亂後霜鬚長幾莖

武陵路

橘岸舟閒罾網挂  
茶坡日暖鷓鴣啼  
女郎指點行人笑  
知向花間路已迷

南北史感遇十首

雨淋麟閣名臣畫雪卧龍庭  
猛將碑不用黃金鑄侯印  
盡輸公子買蛾眉

漢世頻封萬戶侯雲臺空峻謝風流  
江南不有名儒相  
齒冷中原笑未休

天風幹海怒長鯨永固南來百萬兵  
若向滄洲猶笑傲  
江山虛有石頭城

花迷公子玉樓恩鏡弄佳人紅粉春  
不信關山勞遠戍

綺羅香外任行塵

兵圍梁殿金甌破  
火發陳宮玉樹摧  
姦佞豈能慚誤國  
空令懷古更徘徊

行樂最宜連夜景  
太平方覺有春風  
千金盡把酬歌舞  
猶勝三邊賞戰功

桃芳李豔年年發  
羌管蠻弦處處多  
海上應無三島路  
人間惟有一聲歌

佳人自折一枝紅  
把唱新詞曲未終  
惟向眼前憐易落



不如拋擲任春風

景陽樓下花鈿鏡  
玄武湖邊錦繡旗  
昔日繁華今日恨  
雉媒聲晚草芳時

亂後人間盡不平  
秦川花木最傷情  
無窮紅豔紅塵裏  
驟馬分香散入營

狂題二首

草堂舊隱猶招我  
煙閣英才不見君  
惆悵故山歸未得  
酒狂叫斷暮天雲

須知世亂身難保莫喜天晴菊併開  
長短此身長是客  
黃花更助白頭催

紅茶花

景物詩人見即誇豈憐高韻說  
紅茶牡丹枉用三春力  
開得方知不是花

秋燕

從撲香塵拂面飛  
憐渠只為解相依  
經冬好近深爐暖  
何必千巖萬水歸

見後鴈有感

笑爾窮通亦似人高飛偶滯莫悲辛  
却緣風雪頻相阻只向關中待得春

移桃栽

獨臨官路易傷推從遣春風恣意開  
禪客笑移山上看流鶯直到檻前來

憶中條

燕辭旅舍人空在螢出疎籬菊正芳  
堪恨昔年聯句地

念經僧掃過重陽

樂府

五更窗下簇妝臺已怕堂前阿母催  
滿鴨香薰鸚鵡睡  
隔簾燈照牡丹開

放龜二首

却為多知自不靈今朝教一作放汝卜長生  
若求深處無  
深處只有依人會有情

世外猶迷不死庭人間莫恃自無營  
本期滄海堪投迹

却向朱門待放生

燈花三首

蜀柳絲絲罽畫樓窗塵滿鏡不梳頭幾時金鴈傳歸信  
剪斷香魂一縷愁

姊姊教人且抱兒逐他女伴卸頭遲明朝鬪草多應喜  
剪得燈花自掃眉

閨前小雪過經旬猶自依依向主人開盡菊花憐強舞  
與教弟子待新春

偶題三首

浮世悠悠旋一空，多情偏解挫英雄。  
風光只在歌聲裏，不必樓前萬樹紅。

小池隨事有風荷，燒酎傾壺一曲歌。  
欲待秋塘擎露看，自憐生意已無多。

遼陽音信近來稀，縱有虛傳逼節歸。  
永日無人新睡覺，小窗晴暖蝸蟲飛。

華下對菊

清香裊露對高齋  
泛酒偏能浣旅懷  
不是春風逞紅豔  
鏡前空墜玉人釵

與都統叅謀書有感

驚鷺迸鷺盡歸林  
弱羽低垂分獨沈  
帶病深山猶草檄  
昭陵應識老臣心

漫題

無宦無名拘逸興  
有歌有酒任他鄉  
看看萬里休征戍  
莫向新詞寄斷腸

商山二首

清溪一路照羸身不似雲臺畫像人  
國史數行猶有志只將談笑繼英塵

馬上搜竒已數篇籍中猶愧是頑仙  
關頭傳說開元事指點多疑孟浩然

與伏牛長老偈二首

不算菩提與闡提惟應執著便生迷  
無端指箇清涼地凍殺胡僧雪嶺西



長繩不見繫空虛半偈傳心亦未踈  
推倒我山無一事  
莫將文字縛真如

客中重九

楚老相逢淚滿衣片名薄宦已知非  
他鄉不似人間路  
應共東流更不歸

柳二首

誰家按舞傍池塘已見繁枝嫩眼黃  
漫說早梅先得意  
不知春力暗分張

似擬凌寒妬早梅無端弄色傍高臺折來未有新枝長  
莫遣佳人更折來

光啟丁未別山

草堂琴畫已判燒猶託鄰僧護燕巢此去不緣名利去  
若逢逋客莫相嘲

石楠

客處偷閒未是閒石楠雖好懶頻攀如何風葉西歸路  
吹斷寒雲見故山

力疾馬上走筆

釀黍長添不盡杯  
只憂花盡客空回  
垂楊且為晴遮日  
留遇重陽即放開

華陰縣樓

丹霄能有幾層梯  
懶更揚鞭聳翠螭  
偶凭危欄一作樓且

南望不勞高掌欲相攜

南至四首

今冬臘後無殘日  
故國燒來有幾家  
却恨早梅添旅思

強偷春力報年華

花時不是偏愁我好事應難總取他已被詩魔長役思  
眼中莫厭早梅多

年華亂後偏堪惜世路拋來已自生猶有玉真長命縷  
樽前時唱緩羈情

一任喧闐遠四鄰閒忙皆是自由身人來客去還須議  
莫遣他人作主人

蓮峰前軒

人間上壽若能添，只向人間也不嫌。  
看著四鄰花競發，高樓從此莫垂簾。

步虛

一本題下有詞字

阿母親教學步虛，三元長遣下蓬壺。  
雲韶韻俗停瑤瑟，鸞鶴飛低拂寶爐。

劍器

樓下公孫昔擅場，空教女子愛軍裝。  
潼關一敗吳一作胡兒喜，簇馬驪山看御湯。

乙丑人日

自怪扶持七十身歸來又見故鄉春  
今朝人日逢人喜  
不料偷生作老人

攜仙籙九首

嶽北秋空渭北川晴雲漸薄薄如煙  
坐來還見微風起  
吹散殘陽一片蟬

一半晴空一半雲遠籠仙掌日初曛  
洞天有路不知處  
絕頂異香難更聞

決事還須更事酬清談妙理一時休漁翁亦被機心誤  
眼暗汀邊結釣鉤

迹不趨時分不侯功名身外最悠悠聽君總畫麒麟閣  
還我閒眠舴艋舟

仙凡路阻兩難留煙樹人間一片秋若道陰功能濟活  
且將方寸自焚修

若有陰功救未然玉皇品籍亦搜賢應知談笑還高謝  
別就滄洲贊上仙

英名何用苦搜竒，不朽才銷一句詩。却賴風波阻三島。

老臣猶得戀明時。

起句與爭  
名一首同

剪取紅雲剩寫詩，年年高會趁花時。水精樓閣分明見，  
只欠霞漿別著旗。

此生得作太平人，只向塵中便出塵。移取碧桃花萬樹，  
年年自樂故鄉春。

### 浪淘沙

不必長漂玉洞花，曲中偏愛浪淘沙。黃河却勝天河水。



萬里縈紆入漢家

贈日東鑒禪師

故國無心度

一作渡

海潮老禪方丈倚中條  
夜深雨絕松

堂靜一點飛

一作山

螢照寂寥

暮春對柳二首

縈愁惹恨奈楊花  
閉戶垂簾亦滿家  
惱得閒人作酒病  
剛須又撲越溪茶

洞中猶說看桃花  
輕絮狂飛自俗家  
正是階前開遠信

小娥旋拂碾新茶

戊午三月晦二首

隨風逐浪劇蓬萍  
圓首何曾解最靈  
筆硯近來多自棄  
不關妖氣暗文星

牛誇棋品無勅敵  
謝占詩家作上流  
豈似小敷春水漲  
年年鸞鶴待仙舟

偶書五首

情知了得未如僧  
客處高樓莫強登  
鶯也解啼花也發

不關心事最堪憎

自有池荷作扇搖不關風動愛芭蕉只憐直上抽紅藥  
似我丹心向本朝

曾看輕舟渡遠津無風著岸不經旬只緣命蹇須知命  
却是人爭阻得人

上谷何曾解有情有情人自惜君行證因池上今生願  
的的他生作化生

新店南原後夜程黃河風浪信難平渡頭楊柳知人意

爲惹官船莫放行

喜山鵲初歸三首

翠衿紅背便知機久避重羅穩處飛只爲從來偏護惜  
窗前今賀主人歸

山中只是惜珍禽語不分明識爾心若使解言天下事  
燕臺今築幾千金

阻他羅網到柴扉不奈偷倉雀轉肥賴爾林塘添景趣  
剩留山果引教歸

虞鄉北原

澤北邨貧煙火獐稚田冬旱倩牛耕老人惆悵逢人訴  
開盡黃花麥未金

洛中三首

秋風團扇未驚心笑看妝臺落葉侵繡鳳不教金縷暗  
青樓何處有寒砧

不用頻嗟世路難浮生各自繫悲歡風霜一夜添羈思  
羅綺誰家待早寒

燕巢空後誰相伴  
鴛被縫來不忍薰  
薄命敢辭長滴淚  
倡家未必肯留君

寓筆

年年鑷鬢到花飄  
依舊花繁鬢易凋  
撩亂一場人更恨  
春風誰道勝輕颺

戲題試衫

朝班盡說人宜紫  
洞府應無鶴着緋  
從此玉皇須破例  
染霞裁賜地仙衣

汴柳半枯因悲柳中隱

行人莫歎前朝樹已占河堤幾百春  
惆悵題詩柳中隱  
柳衰猶在自無身

上方

花落更同悲木落鶯聲相續即蟬聲  
榮枯了得無多事  
只是閒人漫繫情

寄王贊學

黃卷不關兼濟業  
一作美  
青山自保老閒身  
一行萬里織

塵靜可要張儀更入秦

新節

轉悲新歲重於山不似輕鷗肯復還  
朱紱縱教金印換青雲未勝白頭閒

自河西歸山二首

一水悠悠一葉危往來長恨阻歸期  
鄉關不是無華表自為多鷲獨上遲

水濶風驚去路危孤舟欲上更遲遲  
鶴羣長擾三珠樹



山海經曰在厭火國北生赤  
水上樹上有栢葉皆為珠

不借人間一隻騎

王官二首

風荷似醉和花舞沙鳥無情伴客閒總是此中皆有恨  
更堪微雨半遮山

荷塘煙罩小齋虛景物皆宜入畫圖盡日無人只高卧  
一雙白鳥隔紗厨

賀翰林侍郎二首

太白東歸鶴背吟鏡湖空在酒船沈今朝忽見銀臺事

早晚重徵入翰林

玉版徵書洞裏看  
沈羲新拜侍郎官  
文星喜氣連台曜  
聖主方知四海安

寄王十四舍人

幾年汶上約同遊  
擬為蓮峰別置樓  
今日鳳皇池畔客  
五千仞雪不回頭

綸閣有感

風濤曾阻化鱗來  
誰料蓬瀛路却開  
欲去遲遲還自笑

狂才應不是仙才

御定全唐詩卷六百三十三

欽定四庫全書薈要卷一萬八千三十九集部

御定全唐詩卷六百二十四

司空圖

狂題十八首

莫恨艱危日日多時情其奈倖門何  
貔貅睡穩蛟龍渴  
猶把燒殘朽鐵磨

別鶴淒涼指法存戴逵能耻近王門  
世間第一風流事  
借得王公玉枕痕

交疎自古戒言深  
肝膽徒傾致鑠金  
不是史遷書與說  
誰知孤負李陵心

南華落筆似荒唐  
若肯經綸亦不狂  
偶作客星侵帝座  
却應虛薄是嚴光

不勞世路更相猜  
忍到須休惜得材  
幾度懶垂風水便  
拗船折舵恐難回

由來相愛只詩僧  
怪石長松自得朋  
却怕他生還識字  
依前日下作孤燈

老禪乘仗

一作杖

莫過身遠岫孤雲見亦頻應是佛邊猶

怕鬧信緣須作且閒人

止竟閒人不愛閒只偷無事閉柴關轟霆攪破蛟龍窟  
也被狂風卷出山

地下修文著作郎生前飢處倒空墻何如神爽騎星去  
猶自研幾助玉皇

雨洗芭蕉葉上詩獨來憑檻晚晴時故園雖恨風荷膩  
新句閒題亦滿池

初時拄杖向鄰邨漸到清明亦杜門三十年來辭病表  
今朝卧病感皇恩

來時雖恨失青瑣自見芭蕉幾十篇應是阿劉還宿債  
剩拚才思折供錢

芭蕉叢畔碧嬋娟更悠悠擾蜀川應到去時題不盡  
不勞分寄校書牋

自傷衰病漸難平永夜禪牀雨滴聲聞道虎瘡仍帶鏃  
吼來和痛亦橫行

昨日流鶯今日蟬  
起來又是夕陽天  
六龍飛轡長相窘

更忍垂危自

一作何忍  
臨歧更

着鞭

有是有非還有慮  
無心無跡亦無猜  
不平便激風波險  
莫向安時稔禍胎

十年三署讓官頻  
認得無才又索身  
莫道太行同一路  
大都安穩屬閒人

曾聞劫火到蓬壺  
縮盡鰲頭海亦枯  
今日家山同此恨  
人歸未得鶴歸無



遊仙二首

蛾眉新畫覺嬋娟  
鬪走將花阿母邊  
仙曲教成慵不理  
玉階相簇打金錢

劉郎相約事難諧  
雨散雲飛自此乖  
月姊殷勤留不住  
碧空遺下水精釵

漫書五首

長擬求閒未得閒  
又勞行役出秦關  
逢人漸覺鄉音異  
却恨鶯聲似故山

溪邊隨事有桑麻  
盡日山程十數家  
莫怪行人頻悵望  
杜鵑不是故鄉花

海上昔聞麋愛鶴  
山中今日鹿憎龜  
愛憎止竟須闕分  
莫把微才望所知

世路快心無好事  
恩門嘉話合書紳  
神藏鬼伏能千變  
亦勝忘機避要津

四翁識勢保安閒  
須為生靈暫出山  
一種老人能算度  
磻溪心跡愧商顏

偶詩五首

閒韻雖高不銜才偶拋  
猿鳥乍歸來夕陽照箇新紅葉  
似要題詩落硯臺

芙蓉騷客空留怨芍藥詩家只寄情  
誰似天才李山甫  
牡丹屬思亦縱橫

賢豪出處盡沉吟白日高懸只照心  
一掬信陵墳上土  
便如碣石累千金

聲貌由來固絕倫  
今朝共許占殘春  
當歌莫怪頻垂淚

得地翻慚早失身

中宵茶鼎沸時驚正是寒窗竹雪明  
甘得寂寥能到老  
一生心地亦應平

雜題二首

先知左袒始同行須待龍樓羽翼成  
若使只憑三傑力  
猶應漢鼎一毫輕

魚在枯池鳥在林四時無奈雪霜侵  
若教激勸由

一作田

真宰亦獎青松徑寸心

光化踏青有感

引得車回莫認恩，却成寂寞與誰論。  
到頭不是君王意，羞插垂楊更傍門。

丑年冬

醉日昔聞都下酒，何如今喜折新茶。  
不堪病渴仍多慮，好向滄湖便出家。

白菊三首

人間萬恨已難平，栽得垂楊更繫情。  
猶喜閨前霜未下，

菊邊依舊舞身輕

莫惜西風又起來猶能婀娜傍池臺  
不辭暫被霜寒挫舞袖招香即却回

為報繁霜且莫催窮秋須到自低垂  
橫拖長袖招人別只待春風却舞來

扇

珍重逢秋莫棄捐依依只仰故人憐  
有時池上遮殘日承得霜林幾箇蟬

修史亭三首

山前鄰叟去紛紛，獨強衰羸愛杜門。  
漸覺一家看冷落，地爐生火自溫存。

甘心七十且酣歌，自算平生幸已多。  
不似香山白居易，晚將心地著禪魔。

烏紗巾上是青天，檢束酬知四十年。  
誰料平生臂鷹手，挑燈自送佛前錢。

圖為王文公凝所知後  
分司又為盧攜所知

力疾山下吳邨看杏花十九首

春來漸覺一川明  
馬上繁花作陣迎  
掉臂只將詩酒敵  
不勞金鼓助橫行

閭闔曾排捧御爐  
猶看曉月認金鋪  
羸形不畫凌煙閣  
只為微才激壯圖

鏡留雪鬢暖消無  
春到梨花日又晡  
移取扶桑堦下種  
年年看長礙金烏

折來未盡不須休  
年少爭來莫與留  
更願狂風知我意  
一時吹向海西頭



才情百巧鬪風光却笑雕花刻葉忙  
熨帖新巾來與裏猶看騰踏少年場

浮世榮枯總不知且憂花陣被風欺  
儂家自有麒麟閣第一功名只賞詩

白衫裁袖本教寬朱紫由來亦一般  
王老小兒吹笛看我儂試舞爾儂看

單床薄被又羈棲待到花開亦甚迷  
若道折多還有罪只應鶯轉是金雞

近來桃李半燒枯歸卧鄉園只老夫莫算明年人在否  
不知花得更開無

漢王何事損精神花滿深宮不見春穠艷三千臨粉鏡  
獨悲掩面李夫人

能艷能芳自一家勝鸞勝鳳勝煙霞客來須共醒醒看  
碾盡明昌幾角茶

造化無端欲自神裁紅剪翠為新春不知分減閒心力  
更助英豪濟活人

徘徊自勸莫沾纓分付年年谷口鶯却賴無情容易別  
有情早箇不勝情

閒步偏宜舞袖迎春光何事獨無情垂楊合是詩家物  
只愛敷溪道北生

亦知王大是昌齡杜二其如律韻清還有酸寒堪笑處  
擬誇朱紱更崢嶸

潘郎愛說是詩家枉占河陽一縣花千載幾人搜警句  
補方金字愛晴霞

行樂溪邊步轉遲  
出山漸減探花期  
去年四度今三度  
恐到憑人折去時

此身衰病轉堪嗟  
長忍春寒獨惜花  
更恨新詩無紙寫  
蜀牋堆積是誰家

昨日黃昏始看回  
夢中相約又銜杯  
起來聞道風飄却  
猶擬教人掃取來

少儀

昨日登班綴栢臺  
更慚起草屬微才  
錦窠不是尋常錦

兼向丘遲奪得來

重陽四首

簷前減燕菊添芳  
燕盡庭前菊又荒  
老大比他年少少  
每逢佳節更悲涼

雨寒莫待菊花催  
須怕晴空暖併開  
開却一枝開却盡  
且隨幽蝶更徘徊

青娥懶唱無衣換  
黃菊新開乞酒難  
長有長亭惆悵事  
隔河更得對憑欄

白髮怕寒梳更懶  
黃花晴日照初開  
籬頭應是蝶相報  
已被鄰家攜酒來

長命縷

他鄉處處堪悲事  
殘照依依惜別天  
此去知名長命縷  
殷勤為我唱花前

柏東

冥得機心豈在僧  
柏東閒步愛騰騰  
免教世人相忌  
逢著却醪亦不憎

歌者十二首

追逐翻嫌傍管絃  
金釵擊節自當筵  
風霜一夜燕鴻斷  
唱作江南袂襖天

玉樹花飄鳳失棲  
一聲初壓管絃低  
清回煩暑成瀟灑  
豔逐寒雲變慘悽

十斛明珠亦易拚  
欲兼人藝古來難  
五雲合是新聲染  
鎔作瓊漿灑露盤

不是新聲唱亦新  
旋調玉管旋生春  
愁腸隔斷珠簾外

只為今宵共聽人

十年逃難別雲林暫輟狂歌且聽琴轉覺淡交言有味  
此聲知是古人心

五柳先生自識微無言共笑手空揮  
肯為螳螂動殺機  
中免被風波撓

風霜寒水旅人心幾處笙歌繡戶深  
未勝初夜便聽琴  
泊一場雲散後

自憐眼暗難求藥莫恨花繁便有風  
桃李更開須強看



明年兼恐聽歌聾

白雲深處寄生涯  
歲暮生情賴此花  
蜂蝶繞來忙繞袖  
似知教折送鄰家

重九仍重歲  
漸闌強開病眼  
更登攀  
年年認得酣歌處  
猶恐招魂葬故山

繞壁依稀認寫真  
更須粉繪飾羸身  
淒涼不道身無壽  
九日還無舊會人

鶴擎花香搭槿籬  
枕前蛩迸酒醒時  
夕陽似照陶家菊

黃蝶無窮壓故枝

題裴晉公華嶽廟題名

嶽前大隊赴淮西從此中原息鼓

一作戰

鞏石闕莫教苔

蘚上分明認取晉公題

楊柳枝壽杯詞十八首

樂府翻來占太平風光無處不含情  
千門萬戶喧歌吹  
富貴人間只此聲

撼晚梳空不自持與君同折上樓時  
春風還有常情處

繫得人心免別離

灞亭東去徹隋堤  
贈別何須醉似泥  
萬里往來無一事  
便帆輕拂亂鶯啼

臺城細仗曉初移  
詔賜千官襖飲時  
綠帳遠籠清珮響  
更曛晴日上龍旗

桃源仙子不須誇  
聞道惟栽一片花  
何似浣紗溪畔住  
綠陰相間兩三家

偶然樓上捲珠簾  
往往長條拂枕函  
恰值小娥初學舞

擬偷金縷押春衫

池邊影動散鴛鴦更引微風亂繡牀  
直待玉窗塵不起始應金鴈得成行

稻畦分影向江邛憔悴經霜只半存  
昨日流鶯今不見亂螢飛出照黃昏

客淚休沾漢水濱舞腰羞殺漢宮人  
狂風更與回煙蒂掃盡繁花獨占春

遊人莫歎易凋衰長樂榮枯自有期  
看取明年春意動

更於何處最先知

昔年行樂及芳時一上丹梯桂一枝  
笑問江頭醉公子  
饒君滿把麴塵絲

渡頭殘照一行新  
獨自依依向北人  
莫恨鄉程千里遠  
眼中從此故鄉春

絮惹輕枝雪未飄  
小溪煙束帶危橋  
鄰家女伴頻攀折  
不覺回身冒翠翹

處處縈空百萬枝  
一枝枝好更題詩  
隔城遠岫招行客

便與朱樓當酒旗

錦城分得映金溝  
兩岸年年引勝遊  
若似松篁須帶雪  
人間何處認風流

日暖津頭絮已飛  
看看還是送君歸  
莫言萬緒牽愁思  
緝取長繩繫落暉

大堤時節近清明  
霞襯煙籠遶郡城  
好是梨花相映處  
更勝松雪日初晴

聖主千年樂未央  
御溝金翠滿垂楊  
年年織作升平字

高映南山獻壽觴

山鵲

多驚本為好毛衣只賴人憐始却歸衆鳥自知顏色減  
妬他偏向眼前飛

李居士

高風只在五峰前應是精靈

一作星

降作賢萬里無雲惟

一鶴鄉

一作即

中同看却昇天

杏花

詩家偏為此傷情品韻由來莫與爭解笑亦應兼解語  
只應慵語倩鶯聲

白菊三首

不疑陶令是狂生作賦其如有定情猶勝江南隱居士  
詩魔終嬾負孤名

自古詩人少顯榮逃名何用更題名詩中有慮猶須戒  
莫向詩中著不平

登高可羨少年場白菊堆邊鬢似霜益算更希沾上藥



今朝第七十重陽

聽雨

一作王建詩

半夜思家睡裏愁  
雨聲落落屋簷頭  
照泥星出依前黑  
淹爛庭花不肯休

楊柳枝二首

陶家五柳簇衙門  
還有高情愛此君  
何處更添詩境好  
新蟬歌枕每先聞

數枝珍重蘸滄浪  
無限塵心暫免忙  
煩暑若和煙露裛

便同佛手灑清涼

修史亭二首

少年已慣擲年光  
時節催驅獨不忙  
今日無疑亦無信  
前程無事擾醫王

籬落輕寒整頓新  
雪晴步履會諸鄰  
自從南至歌風頂  
始見人煙外有人

漫書

樂退安貧知是分  
成家報國亦何慚  
到還僧院心期在

瑟瑟澄鮮百丈潭

雜題二首

棋局長攜上釣船  
殺中棋殺勝絲牽  
洪鑪任鑄千鈞鼎  
只在磻溪一縷懸

曉鏡高窗氣象深  
自憐清格笑塵心  
世間不為蛾眉悞  
海上方應鶴背吟

題休休亭

一作耐辱  
居士歌

咄諾休休休  
莫莫莫  
伎兩雖多性靈惡  
賴是長教閒處

著休休休莫莫莫一局棋一爐藥天意時情可料度白  
日偏催快活人黃金難買堪騎鶴若曰爾何能答言耐  
辱莫

馮燕歌

一作沈下賢詩據唐音統籤云麗情集以此歌為沈下賢作注文苑英華者誤

採之下賢有其傳未嘗作歌也集可考

魏中義士有馮燕遊俠幽并最少年避讐偶作滑臺客  
嘶風躍馬來翩翩此時恰遇鶯花月堤上軒車晝不絕  
兩面高樓語笑聲指點行人情暗結擲果潘郎誰不慕

朱門別見紅妝露故故推門掩不開似教歐軋傳言語

馮生敲鐙袖籠鞭半拂垂楊半惹煙樹間春鳥知人意

的的心期暗與傳傳道張嬰偏嗜酒從此香闥為我有

梁間客燕正相欺屋上鳴鳩空自鬪嬰歸醉卧非雙汝

豈知負過人懷懼燕依戶扇欲潛逃巾在枕傍指令取

誰言狼戾心能忍待我情深情不隱回身本謂取巾難

倒柄方知授霜办馮君撫劍即遲疑自顧平生心不欺

爾能負彼必相負假手他人復在誰窗間紅豔猶可掬

熟視花鈿情不足唯將大義斷胷襟粉頸初迴如切玉

鳳皇釵碎各分飛怨魄嬌魂何處追

一作歸

凌波如喚遊

金谷羞彼椰榆淚滿衣新人藏匿舊人起白晝喧呼駭  
鄰里誣執張嬰不自明貴免生前遭考捶官將赴市擁  
紅塵掉臂人來擗看人傳聲莫遣有冤濫盜殺嬰家即  
我身初聞僚吏翻疑歎呵叱風狂詞不變縲囚解縛猶  
自疑疑是夢中方

一作云

脫免未死勸君莫浪言臨危不

顧始知難已為不平能割愛更將身命救深冤白馬賢

侯賈相公長懸金帛募才雄拜章請贖馮燕罪千古三  
河激義風黃河東注無時歇注盡波瀾名不滅為感詞  
人沈下賢長歌更與分明說此君精爽知猶在長與人  
間留炯誠鑄作金燕香作堆焚香酬酒聽歌來

寄薛起居

小域一作城新銜一作役賀聖朝亦知蹇分巧難拋麤才自

合無歧路不破工夫漫解嘲

月下留丹竈有序

詩題五字乃真仙之詞也邵陽某縣人或聞其山  
實異齋禱積稔果有蹈空而至者涉筆附楹久之  
乃罷去既而熟視本文則字皆隱起成列矣某年  
中廉帥上聞且命鏡其逸跡藏於郡解其後為刺  
史李岫所得今傳於君孫豈精契之所感致耶光  
啟三年秋八月既望愚獲覩於王官別業噫跡雖  
顯竒道必體正故為物怪之所中者見之莫不洗  
然欲蓋其事目擊可數也吾知挾邪佞以冒進者



亦當膽慄自廢豈俟圖鼎燬犀而後辨姦妖之詭  
態哉綴之全篇以志誠敬且期自警泗水司空氏  
記

月下留丹竈壇邊樹羽衣異香人不覺殘夜鶴分飛朝  
會初元盛蓬瀛舊侶稀瑤函真跡在妖魅敢揚威

元日

甲子今重數生涯只自憐殷勤元日日歌午又明年

洛陽詠古

一作胡  
曾詩

石勒童年有戰機洛陽長嘯倚門時晉朝不是王夷甫  
大智何由得預知

詩品二十四則 附錄

雄渾

大用外腓真體內充返虛入渾積健為雄具備萬物橫  
絕太空荒荒油雲寥寥長風超以象外得其環中持之  
匪強來之無窮

冲淡

素處以默妙機其微飲之太和獨鶴與飛猶之惠風苒  
苒在衣閱音修篁美曰載歸遇之匪深即之愈稀脫有  
形似握手已違

織穠

采采流水蓬蓬遠春窈窕深谷時見美人碧桃滿樹風  
日水濱柳陰路曲流鶯比鄰乘之愈往識之愈真如將  
不盡與古為新

沉著

綠衫野屋落日氣清脫巾獨步時聞鳥聲鴻鴈不來之  
子遠行所思不遠若為平生海風碧雲夜渚月明如有  
佳語大河前橫

高古

畸人乘真手把芙蓉泛彼浩劫杳然空縱月出東斗好  
風相從太華夜碧人聞清鐘虛佇神素脫然畦封黃唐  
在獨落落玄宗

典雅

玉壺買春賞雨茆屋坐中佳士左右修竹白雲初晴幽  
鳥相逐眠琴綠陰上有飛瀑落花無言人淡如菊書之  
歲華其日可讀

洗煉

猶鑛出金如鉛出銀超心煉冶絕愛溜磷空潭瀉春古  
鏡照神體素儲潔乘月返真載瞻星辰載歌幽人流水  
今日明月前身

勁健

行神如空行氣如虹  
巫峽千尋走雲連風  
飲真如強蓄素守中  
喻彼行健是謂存雄  
天地與立神化攸同  
期之以實御之以終

綺麗

神存富貴始輕黃金  
濃盡必枯淺者屢深  
露餘山青紅杏在林  
月明華屋畫橋碧陰  
金尊酒滿共客彈琴  
取之自足良殫美襟

自然

俯拾即是不取諸鄰俱道適往著手成春如逢花開如  
瞻歲新真予不奪強得易貧幽人空山過水采蘋薄言  
情晤悠悠天鈞

含蓄

不著一字盡得風流語不涉難已不堪憂是有真宰與  
之沉浮如淥滿酒花時返秋悠悠空塵忽忽海漚淺深  
聚散萬取一收

豪放

觀花匪禁吞吐大荒由道返氣處得以狂天風浪浪海  
山蒼蒼真力彌滿萬象在旁前招三辰後引鳳皇曉策  
六鼇濯足扶桑

精神

欲返不盡相期與來明漪絕底竒花初胎青春鸚鵡楊  
柳池臺碧山人來清酒滿杯生氣遠出不著死灰妙造  
自然伊誰與裁

縝密



是有真跡如不可知  
意象欲生造化已奇  
水流花開清露未晞  
要路愈遠幽行為遲  
語不欲犯思不欲癡  
猶春於綠明月雪時

踈野

惟性所宅真取弗羈  
拾物自富與率為期  
築屋松下脫帽看詩  
但知旦暮不辨何時  
倘然適意豈必有為  
若其天放如是得之

清奇

娟娟羣松下有漪流晴雪滿汀隔溪漁舟可人如玉步  
屨尋幽載行載止空碧悠悠神出古異淡不可收如月  
之曙如氣之秋

委曲

登彼太行翠遶羊腸杳靄流玉悠悠花香力之於時聲  
之於羗似往已迴如幽匪藏水理漩狀鵬風翱翔道不  
自器與之圓方

實境

取語甚直計思匪深忽逢幽人如見道心晴礪之曲碧  
松之陰一客荷樵一客聽琴情性所至妙不自尋遇之  
自天冷然希音

悲慨

大風捲水林木為摧意苦若死招憇不來百歲如流富  
貴冷灰大道日往若為雄才壯士拂劍浩然彌哀蕭蕭  
落葉漏雨蒼苔

形容

絕佇靈素少迴清真如覓水影如寫陽春風雲變態花  
草精神海之波瀾山之嶙峋俱似大道妙契同塵離形  
得似庶幾斯人

超詣

匪神之靈匪機之微如將白雲清風與歸遠引若至臨  
之已非少有道契終與俗違亂山高木碧苔芳暉誦之  
思之其聲愈稀

飄逸

落落欲往矯矯不羣  
緱山之鶴華頂之雲  
高人畫中  
色絪緼御風蓬葉  
泛彼無垠如不可執  
如將有聞識者  
已領期之愈分

曠達

生者百歲相去幾何  
歡樂苦短憂愁實多  
何如尊酒日  
往烟蘿花覆茆簷  
踈雨相過倒酒既盡  
杖藜行過孰不  
有古南山峨峨

流動

若納水輶如轉丸珠夫豈可道假體遺愚荒荒坤軸悠  
悠天樞載要其端載同其符超超神明返返冥無來往  
千載是之謂乎

句

忍事敵灾星

以下因學紀聞

物望傾心以兇渠破膽頻

詠房太尉

自注初瑄建親王分鎮天下議明皇從之肅宗以是疑瑄受讒廢先是祿山見分鎮詔書拊膺歎曰吾不得天下矣

下鼎飶和方濟台階潤欲平

緯畧

夜短猿悲減風和

鵲喜虛

一作靈

驂騑思故第鸚鵡失佳人

鯨鯢人海

涸魑魅棘林幽  
棋聲花院閉  
幡影石壇高  
地涼清

鶴夢林靜  
肅僧儀  
晚妝留拜月  
春睡更生香  
隔谷

見雞犬山苗  
接楚田  
人家寒食月  
花影午時天  
見圖與人論詩

舉得意者二才二聯

無全什者附記於此

官路好禽聲  
軒車駐晚程  
南樓

山最秀北路  
邑偏清  
虞鄉縣樓  
多病形容五十三  
誰憐借

笏趁朝叅  
華下乞歸  
十年太華無知己  
只得虛中兩

首詩  
王禹偁云人多以四皓二疏目圖惟僧虛中贈圖詩云道裝汀鶴識春醉野人扶言其操履檢身非

傲世也又云有時看御札特地挂朝衣言其尊

戴存誠非邀君也故圖詩云云言得其意趣  
看師


逸蹟兩師宜高適歌行李白詩

贈晉光見  
宣和書譜





御定全唐詩卷六百三十四



總校官庶吉士臣張能照

校對官檢討臣王鍾健

謄錄監生臣趙之璧